



Broj: 12/08-23-17420-7/21
Zenica, 09.03.2022.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-17420-6/21, od 02.03.2022. godine, u otvorenom postupku javne nabavke za radove broj: 1417-1-3-67-3-48/21 od 31.12.2021. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Izgradnja priključnih saobraćajnica na dionici regionalne ceste R474 Jelah-Tešanj, skretanje za naselje Cerovac i O.Š Rešad Kadić” broj: 1417-1-3-67-3-48/21 od 31.12.2021. godine, ponuda ponuđača „**Dobojputevi**” d.d. **Doboj Jug** (broj: 01/1-171/2022 od 09.02.2022. godine) sa ukupno ponuđenom cijenom od 127.277,01 KM (bez uračunatog PDV-a) izabrana je kao najpovoljnija.

II

Ponuđač „Dobojputevi” d.d. Doboj Jug (ID broj: 4218113270004), adresa Usorska 130, 74203 Matuzići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.
Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

III

Ponuda ponuđača „GEO-PUT“ d.o.o. Maglaj se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „MGV gradnja“ d.o.o. Zavidovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačkom 15.6. tenderske dokumentacije odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „ŠPIC-BETON“ d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačkom 29.3. tenderske dokumentacije odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „TANS-PUTEVI“ d.o.o. Doboj Jug se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „KOMGRAD-ZE“ d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-17420/21 od 30.12.2021. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-67-3-48/21 objavljeno je na Portalu javnih nabavki 31.12.2021. godine.

Komisija za javne nabavke imenovana rješenjem broj: 12/08-23-17420-4/21 od 03.02.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je 9 (devet) ponuda.

U periodu od 09.02.2022. godine do 23.02.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača GEO-PUT d.o.o. Maglaj se odbacuje jer nije dostavljena u skladu sa uslovima iz tenderske dokumentacije.

Ponuda ponuđača GEO-PUT d.o.o. Maglaj se odbacuje jer Obrazac za cijenu ponude – radovi, Prilog II tenderske dokumentacije nije tačno ispunjen. Uvidom u ponudu navedenog ponuđača, Komisija je konstatovala da isti nije pravilno popunjen iz razloga jer je ponuđač na 10. strani Ponude na mjestu iskazivanja popusta upisao iznos 25.287,85 što predstavlja vrijednost PDV-a, a na mjestu “Sveukupno bez PDV-a” upisao iznos 174.039,92 što predstavlja zbir ukupne cijene sa nepredviđenim radovima i upisanog iznosa popusta, odnosno PDV-a. To je u suprotnosti sa napomenom datom na obrascu za cijenu ponude na kojem je propisano da se cijena ponude iskazuje bez PDV-a.

Zbog navedenog podatak dat u obrascu za cijenu ponude se razlikuje od podatka sa izjave iz Obrasca za dostavljanje ponude, a što je neprihvatljivo za Komisiju obzirom da se radi o neusaglašenosti u dijelu koji se odnosi na cijenu ponude.

Također, uvidom u Obrazac povjerljivih informacija na strani 28. Ponude, utvrđeno je da isti nije dostavljen i popunjen u skladu sa Prilogom X tenderske dokumentacije, jer na obrascu na za to označenom prostoru nije upisan datum davanja izjave.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača GEO-PUT d.o.o. Maglaj se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača „MGV gradnja“ d.o.o. Zavidovići se odbacuje jer nije dostavljena u skladu sa uslovima iz tenderske dokumentacije.

Naime, tačkom 15.6. tenderske dokumentacije propisano je da „sve ispravke u ponudi moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke“.

Ponuđač „MGV gradnja“ d.o.o. Zavidovići je dostavio ponudu u kojoj je na nekoliko mjesta postupio suprotno uslovima iz tačke 15.6. Tenderske dokumentacije. Na strani 2. Ponude u dijelu koji se odnosi na rok važenja ponude izvršio je ispravku broja 05 u broj 06, a da istu ispravku nije potvrdio potpisom ponuđača i sa datumom izvršene ispravke, dakle suprotno uslovima iz tačke 15.6. TD-e. Također, na strani 7. u podzbiru „Ukupno kolovozna konstrukcija KM:“ korektorom je izvršio ispravku prethodno napisanog broja i preko toga upisao broj 4, a da istu ispravku nije potvrdio potpisom ponuđača i sa datumom izvršene ispravke, dakle suprotno uslovima iz tačke 15.6. TD-e. Također, na strani 8. u Reekapitulaciji-Predmjer broj 1 vršio je ispravku pozicije 5., a da istu ispravku nije potvrdio potpisom ponuđača i sa datumom izvršene ispravke, dakle suprotno uslovima iz tačke 15.6. TD-e.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačke 15.6. tenderske dokumentacije, ponuda ponuđača „MGV gradnja“ d.o.o. Zavidovići se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača „ŠPIC-BETON“ d.o.o. Zenica se odbacuje jer nije dostavljena u skladu sa uslovima iz Tenderske dokumentacije

Tačkom 29.1. tenderske dokumentacije propisano je da su ponuđači dužni uz ponudu dostaviti originalnu bezuvjetnu bankovnu garanciju za ozbiljnost ponude – original. Iznos tražene garancije za ozbiljnost ponude je 1,5% od procijenjene vrijednosti nabavke, odnosno 1.923,08 KM (slovima: hiljadudevetstotinadvadesettri i 8/100 konvertibilnih maraka) ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije.

Ponudatelj „ŠPIC-BETON“ d.o.o. Zenica je uz ponudu dostavio Garanciju za ozbiljnost ponude broj: 32144 od 07.02.2022. godine izdatu od SPARKASSE Bank d.d. Bosna i Hercegovina na iznos od 1.923,07 KM, koja stupa na dan 09.02.2022. godine u 12:00 sati a ističe na dan 09.06.2022. godine u 17:00 sati.

Također, na 1. strani u Obrascu za ponudu (Prilog I) ponudatelj je u predviđenom mjestu upisao pogrešnu adresu ugovornog organa te je za ugovorni organ „Kantonalna direkcija za ceste“ pogrešno upisao svoju adresu - Pehare 72; 72 000 Zenica, umjesto adresu ugovornog organa: Kučukovići 2, Zenica.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), i tačke 29.3. tenderske dokumentacije, ponuda ponudatelja „ŠPIC-BETON“ d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponudatelja „TANS-PUTEVI“ d.o.o. Doboj Jug se odbacuje jer nije dostavljena u skladu sa uslovima iz tenderske dokumentacije.

Ponudatelj „TANS-PUTEVI“ d.o.o. Doboj Jug je na strani 4. u Obrascu za ponudu (Prilog I) na mjestu predviđenom za upis Mjesta i datuma ponude upisao samo mjesto Doboj Jug bez upisanog datuma davanja ponude.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponudatelja „TANS-PUTEVI“ d.o.o. Doboj Jug se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponudatelja „Komgrad-Ze“ d.o.o. Zenica se odbacuje jer nije dostavljena u skladu sa uslovima iz tenderske dokumentacije.

Tačkom 17.3. Tenderske dokumentacije propisano je da se ponuda „čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. Dijelove ponude kao što su uzorci, katalogi, mediji za pohranjivanje podataka i sl., koji ne mogu biti uvezani ponudatelj obilježava nazivom i navodi u sadržaju ponude kao dio ponude. Original i kopija ponude trebaju biti otkucani ili napisani neizbrisivom tintom. Svi listovi ponude moraju biti čvrsto uvezani, sa numerisanim stranicama, na način da se vidi redni broj stranice, kako bi se onemogućilo naknadno vađenje ili umetanje listova (npr. jamstvenikom – vrpcom čija su oba kraja na posljednjoj strani ponude pričvršćena naljepnicom ili utisnutim žigom, ili uvezana kao knjiga)...“.

Ponudatelj „Komgrad-Ze“ d.o.o. Zenica je ugovornom organu blagovremeno dostavio Ponudu broj: I-120/22 od 08.02.2022. godine. Međutim, dostavljena ponuda nije pripremljena i dostavljena u skladu sa tačkom 17.3. Tenderske dokumentacije.

Naime, stranice broj 5. i broj 9. dostavljene ponude uopće nisu uvezane u cjelinu ponude, što je suprotno uslovima iz tačke 17.3. TD-e.

Također, ponudatelj „Komgrad-Ze“ d.o.o. Zenica u svojoj ponudi broj: I-120/22 nije dostavio popunjen, potpisan i ovjeren Obrazac za povjerljive informacije (Prilog X tenderske dokumentacije) kao što je to propisano tačkom 35. Tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponudatelja „Komgrad-Ze“ d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude, ponudatelja „DOBOJPUTEVI“ d.d. Doboj Jug, „JATA Group“ d.o.o. Srebrenik, „HAJDIĆ“ d.o.o. Maglaj i „POROBIĆ“ d.o.o. Zavidovići ispunjavaju postavljene uslove, te je za 25.02.2022. godine zakazano provođenje e-aukcije, sa početkom u 15:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponudatelja prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponudač	Ukupna cijena ponude bez PDV-a
1.	„DOBOJPUTEVI“ d.d. Doboj Jug	127.277,01 KM
2.	„JATA GROUP“ d.o.o. Srebrenik	139.918,12 KM
3.	„HAJDIĆ“ d.o.o. Maglaj	142.719,16 KM
4.	„POROBIĆ“ d.o.o. Zavidovići	146.117,79 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „**DOBOJPUTEVI**“ d.d. Doboj Jug. Ugovorni organ prihvatio je preporuku Komisije za javne nabavke da se najpovoljnijem ponuđaču, „DOBOJPUTEVI“ d.d. Doboj Jug, dodijeli Ugovor za radove „Izgradnja priključnih saobraćajnica na dionici regionalne ceste R474 Jelah-Tešanj, skretanje za naselje Cerovac i O.Š Rešad Kadić“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

- 9 x svim ponuđačima,
- 1 x a/a



Obradio:
Elmedin Bašić